

Litloaelo tsa Qhoku



SABATHA MANTSIBOEA

Bakeng sa Thuto ea Beke ena Bala:

Baef. 5:15–17, Bakolose 3:23, Luka 12:35–48, Jakobo 4:14, Liketso 3:21, 1 Bakor. 9:24–27.

Temana ea Khopolo:

“Mohlankana o tla hloekisa metsamao ea hae joang? Ke ha a ela hloko ka ho e bapisa le Lentsoe la hao. Ke u batla ka pelo eaka eohle, u etse hore ke se ke ka kheloha litaelo tsa hao. Ke boloka lentsoe la hao ka pelong ea ka hore ke se ke ka u siteloa.” (Lipesaleme 119:9–11).

Litloaelo tsa hau li bontša sepheo le tsela ea bophelo ba hao. Liqhoku tse iketsetsang litloaelo tse ntle li tšepahala ho feta liqhoku tsohle. Daniele o ne a e-na le tloaelo ea ho rapela letsatsi le letsatsi. (Dan. 6:10). Tloaelo ea Paulosi e n’e le ho ba sinagogeng (Liketso 17:1, 2). O boetse o oa ngola: “Le se ke la lahleha: ‘Litloaelo tse mpe li bolisa mekha e metle.’” (1 Bakor. 15:33). Re tlameha ho jala litloaelo tse ntle hore li nke sebaka sa tse mpe. “Motho ka mong, ha ha joale le ka ho sa feleng, o tlabisa seo litloaelo tsa hae li mo etsang sona. Maphelo a ba iketsetsang litloaelo tse ntle, ’me ba tšepahala ha ba etsa ntho tsohle, a tla tšoana le maseli a phatsimang, a chabisetsang mahlaseli tseleng tsa ba bang.”—Ellen G. White, *Testimonies for the Church*, vol. 4, leq. 452.

Tsela eo tloaelo ee etsang ke eona e potlakang ho feta eo ka eona u ka e nkang ho fumana mopotso oo u batlang. Tloaelo ke qeto e metseng kahare. Ka mantsoe a mang, ha u tlameha le ho nahana ka eona; u e etsa fela. Tloaelo eno e kaba mpe kapa eaba ntle haholo, ho ea ka hore na ke sefe seo u se etsang. Bekeng e na re shebana le litloaelo tse matla tse ka thusang Qhoku ho etsa mosebetsi oa Molimo.

**Ithute Thuto ea beke ena ho lokisetsa Sabbatha sa la, 24 Hlakubele.*

Tloaelo: Batla Molimo Pele Ho Tsohle

Bohle re na le litloaelo. Potso ke hore: Ke tse joang? Lintle kapa limpe? Hara litloalo tsohle tse ntle tseo Mokreste a ka bang le tsona, ho tsona le Molimo pele ho tsohle tsatsi le leng le le leng e tlameha hoba ea bohlokoa ho feta tsohle. “Hoseng ho hong le ho hong inehle ho Molimo, ’mele, pelo le moea. E ba le litloaelo tsa thapelo ’me u tšepe Mopholosi oa hau haholo.”—Ellen G. White, *Mind, Character, and Personality*, vol. 1, leq. 15. Ka tloaelo e kang ena, ruri re tla kena ka “‘ monyako . . . o patisaneng”’ o isang bophelong (Mattheu 7:14). Molimo O itse, “‘U seke oa ba le melimo e meng pela sefahleho sa ka”’ (Exoda 20:3). Jesu O itse, ho latela maemo a tlhoko tsa rona tsa mantlha, re “‘batle ’muso oa Molimo le ho loka ho ho oona pele”’ (Mattheu 6:33), hape, re boleetsoe: “‘Le tla mpatla le mphumane, ha le mpatla ka lipelo tsa lona kaofela”’ (Jer. 29:13).

Bala Mattheu 22:37, 38; Liketso 17:28; Baefese 5:15–17; le Bakolose 3:23. Ke sefe se buuoang moo se ka re thusang ho utloisisa kamoo re ka behang Molimo pele ho tsohle maphelong a rona?

Hara mehlala eohle ea rona ea ho batlana le Molimo pele ho tsohle, haho o betere ho feta oa Jesu. Jesu O ne A beha ntate oa hae pele nthong tsohle. Re qala ho bona hore ke sona se neng se le ka sehloohong nakong ea mokete oa paseka h’a ile Jerusalema haesale ngoana. Ha ’m’ae a ’motsa, nakong eo a mo fumanang “ka tempeleng,” O ile a re ho eena, “‘ke tšoanetse hoba teng litabeng tsa Ntate”’ (Luka 2:46, 49).

Bophelong bohle ba hae, Jesu O ne a tsetselela hoba le nako le Ntat’ae, joalokaha ho pakahatsoa ke bophelo ba hae ba thapelo. Tloaelo ena e n’e le ntho eo barutuo ba sa e utloisiseng ka botlalo. Matla ohle a lefifi a ne a sitoa ho arohanya Jesu ho Ntate, habane Jesu O ile A etsa tloaelo ea ho hokahana le eena ka botlalo.

Re ka latela mohlala oa Jesu kaho etsa qeto ea ho rata Molimo ka lipelo tsohle tsa rona, kelello le moea (Mattheu 22:37). Ka ho rapela, ho ithuta Lentsoe la Molimo, le ho sebeletsa ho bonahatsa semelo sa Jesu ho tsohle tseo re li etsang, re tla aha tloaelo ea ho beha Molimo pele ho tsohle maphelong a rona. ’Me ho Mokreste, ke tloaelo efe e ka bang ntle ho feta ee?

Ipotse: Na ke behile Molimo pele ho tsohle bophelong ba ka? U tseba joang?

Tloaelo: Sheba ho Khutleng ha Jesu

Bala Luka 12:35–48. Setšoantšo see se re ruta hore re tlameha ho nka ho khutla ha Jesu khetlo la bobeli joang? Ke hobaneng ha sohle seo re se etsang se tlameha ho lula se ipapisiste le bonnete ba ho khutla la bobeli?

Boqhoku bo tlameha ho itloaetsoa ho bo etsa ho ipapisitsoe le ho khutla ha Jesu. Semelo sa qhoku e sa tšepahaleng e etsang eka e ea tšepahala qetellong se tla bonahatsoa ke liketso tsa eona, hobane qhoku ea 'nete, e tšepahalang e etsa mesebetsi ea eona kaho falimeha le ho sebetsa joalokaha e ka monga eona o teng. Ba phelela bokamoso 'me ba etsa mesebetsi ea letsatsi ka leng ka botšepahi. “Empa oa rona motse o maholimong, eleng eleng oo hape re lebeletseng ho khutla teng ha 'Moloki Jesu Kreste, Morena” (Bafilii 3:20).

Abrahama o ile a batlana le motse oa ka ho sa feleng (Baheb. 11:10), 'me Paulosi a sheba ho khutleng ha Jesu (Baheb. 10:25). E n'e le batho ba nahanang ka tse tlang, ba lebeletse, ba etsa meralo, ba le malala-a-laotsoe ho khahlana le Jesu. Re tlameha ho ba le tloaelo ena ea ho sheba hole ka mahlo a nchocho sehlohlolong sa evangeli (Tite 2:13). Ho e na le ho qekotsa hona le hoane kapa ho sheba boporofeta o iketlile, re tlameha ho lula re shebile, re butse mahlo, re bile re etsa, kamehla re ela hloko bosafeleng bo re emetseng mohlala Kreste A khutlang. Ka mokha o tšoanang, re tlameha ho qoba liketsahalo tse hlaha tse mabai-bai malebana le mehla ea bofelo. Tšepiso ea mehla ea bofelo e re fa tsela maphelong a rona, e fana ka tsela e hlakileng maphelong a rona, e fana ka tsela e hlakileng bakeng sa ha joale, ebile e re thusa ho hopola seo eleng sa bohlokoa bophelong. Tloaelo ea ho sheba ho khutleng labobeli ha Jesu e fa qhoku tlhaloso le sepheo.

Sefapano se re betletse tsela ea hore re be le kopano le Mopholosi. Re sheba matšoao a senotsoeng Mangolong a re supisang ho tlang ha Kreste ka khanya ea Ntate le manyeloi (Mareka 8:38). “Ha re fela re sa talime tse bonahalang, re mpa re talima tse sa bnahalang, hobane tse bonahalang ke tsa mehla ena feela, empa tse sa bonahalang ha li ka ke tsa e ba le bofelo” (2 Bakor. 4:18.). Ehlile, lefu, le bonnete ba boteng ba kamehla ba lefu, ho lokela ho re thusa ho lemoha kamoo nako ea rona e fokolang kateng koano. Empa tšepiso ea ho tla labobeli e boitse e re bontša hore lefu ka bo lona ke ntho'a nakoana e seng kae, le tla fela. Ha ho makatse, ka hona, hore re tlameha ho phela leseling la ho khutla ha Kreste, tšepiso e tlamehang ho susumetsa kamoo qhoku e ngoe le e 'ngoe e a Mokreste e tlamehang ho phela kateng. Ha re ke re etseng tloaelo ea ho phela re lebeletse ho khutla labobeli ha Kreste hona joale. Lebitso la rona le lona le hlalosa bonnete ba tebello eo.

Tloaelo: Sebelisa Nako Hantle

“Hobane rona re ba maobane, ha re na tsebo, etsoe matsatsi a rona lefatšeng e le moriti feela” (Jobo 8:9).

U ka emisa oache, empa eseng ho tsamaea ha nako. Nako ha e eme; e lutse e tsamaea leha rona re ikemetse re sa etse letho.

Ke sefe seo litemana tse latelang li re rutang sona malebana le nako ea rona ka maphelo a rona bophelong boo? Jakobo 4:14; Lipes. 90:10, 12; Lipes. 39:4, 5; Moeklesia 3:6–8. Ke molaetsa ofe oa mantlha oo re lokelang ho inkela ona litemaneng tsee mabapi le kamoo nako ea rona eleng bohlokoa kateng koano?

Ka ntho e fokolang e sa nchafatsoeng joaloka nako, ho bohlokoa hore Bakreste e be liqhoku tsa eona tse ipabolang. Ka hona re lokela ho aha tloaelo ea ho sebelisa nako ka hlokolosi ka ho tsepamisa maikutlo holima se bohlokoa bophelong bona le ho bo tlang. Re tlameha ho sebelisa nako re ikamahantse le seo Lentsoe la Molimo le reng se bohlokoa, hobane hang ha nako e fela, e ka se nchafatsoe. Haeba re lahlehela ke chelete re ka nna ra qetella re e fumane, mohlomong e ngata ho feta eo re e lahlileng. Empa ha ho joalo ka nako. Motso o lahlehang o lahleha ka ho sa feleng. Ho ka ba bonolo ho khutlisetsa lehe le choatlehileng khaketlaneng ea lona ho feta ho khutlisa motsotso o fetileng. Ka hona, nako ka 'ngoe ea ntho tse ikhethang tseo re li filoeng ke Molimo. joale ho bohlokoa hakaakang, hore re etse tloaelo ea ho sebelisa motsotso o mong le o mong oo re o fuoang hantle. “Nako ea rona kea Molimo. motsotso o mong le o mong ke oa Hae, 'me re tlasa boikarabello bo boholo ho e ntlafatsa bakeng sa khanya ea Hae. Haho talenta eo a faneng ka eona eo a tlang ho batla tšebeliso ea eona ka tieo ho feta ea nako ea rona. “Boleng ba nako ha bo methehe. Kreste O ile a nka motso o mong le o mong o le bohlokoa, le rona re tlameha ho etsa joalo. Bophelo bo bokhutšoane haholo hore ho ka etsoa ntho tsa mafeela. Re saletsoe ke matsatsi a se makae a mohau hore re itokisetse bosafeleng. Ha re na nako ea ho bapala, ha re na nako eo re ka e senyang kaho matha kamora menate ea nama, ha rena nako ea ho itlopa sebe.”— Ellen G. White, *Christ's Object Lessons*, leq. 342.

“Iponeleng hore le tsamae ka kelello, eseng joaloka maoatla, empe e be joaloka ba bohlale, lopollang linako hobane mehla e se e le mebe” (Baef. 5:15, 16). Paulosi o reng ho rona moo, 'me re ka sebelisa mantsoe aa joang maemong a rona a ha joale?

Tloaelo: Boloka Kelello, 'Mele le Moea li Phetse Hantle

Sethathong re bopiloa re se na sekoli—'meleng kelellong, le semoeeng. Ehlike, sebe se sentse sena kaofela. Litaba tse monate tsa evangeli, hara tse ling, ke hore Molimo O letšolong la ho re khutlisetsa seo re neng re tlameha ho ba sona ho tloha khale.

Bala Liketso 3:21 le le Tsenolo 21:1–5. Ke tšepo efe eo re e fumanang litemaneng tsee? Re lokela ho phela joang ha re ntse re lebetse ho khutlisetsoa hoo ha ho qetela?

Kreste O sebelitse ntle le khedu h'a le mona ho phahamisa semoea, kelello le 'mele oa motho, tsohle ele tse tlang pele ho ho khutlisetsoa ha ho qetela qetellong ea nako. Bosebeletsi ba Jesu ba pholiso bo tiisa taba ea hore Molimo O batla hore re phele hantle kahohle kamoo re ka khonang ho fihlela bofelo bo fihla. Ka hona liqhoku li etsa litloaelo bakeng sa likelello, 'mele, le meea tse phahamisang bophelo bo botle. Taba ea pele, kelello e tla ba matla ha e sebelisoa haholo. Itloaetse ho tlatsa kelello ea hau “tsohle tsa 'nete, tsohle tse hlomphehang, tsohle tse lokileng, tsohle tse hloekileng, tsohle tse ratehang, tsohle tse botumo bo botle, tsohle tseo bokhabane bo bong le poko lileng ho tsona” (Bafili 4:8). Menahano e tjena e tlisa khotso (Esa. 26:3), le “pelo e tšoeu e phelisa 'mele oa motho” (Liprov. 14:30). Likelello tse ntle tsa kelello li etsa hore qhobosheane tsa matla li sebetse maemong a matle kahohle kamoo ho ka khonehang.

Taba ea bobeli, litloaelo tse ntle tsa bophelo, tse kang boikoetliso le ho ja hantle, li bontša hore re ea itlhokomela. Mohlala, boikoetliso, bo theola khatello ea maikutlo le phallo ea mali, bo phahamisa moea oa hau, ebile ke makhona-tsohle a fetang sehlafe sefe kapa sefe se rekisoang. Ea boraro, qhoku e tla etsa litloaelo tse ntle ho phahamisa moea. Phahamisetsa moea oa hau ho Molimo (Lipes. 86:4, 5) u eme (Lipes. 62:5). Moea oa hau u tla atleha “ha u tsamaea 'neteng” (3 Johanne 3) 'me o tla “bolokeloa ho hlaha ha Morena oa rona Jesu Kreste o se na sekoli” (1 Bathes. 5:23).

Nahana ka mofuta oa litloaelo tseo u nang le tsona le kamoo li amang 'mele, moea le ho matlafala ha kelello kateng. Na hona le phetoho tseo u tlamehang ho li etsa tse ka u thusang ho matlafatsa ntho tse tharo tsee? Ke khetho life tseo u ka li etsang, hape ke litšepiso life tsa Bible tseo u ka inkelang tsona tse ka u thusang ho matlafatsa boleng ba bophelo ba hau ha joale ha u ntse u emetse khutlisetso ea mapomela?

Tloaelo: Boitšoaro

Boitšoaro ke e 'ngoe ea limelo tsa bohlokoa-hlokoa tseo qhoku e ka bang le tsona. “Hobane Molimo ha ooa ka oa re nea moea o boi, empa e le oa matla, le oa lerato, le oa kelello” (2 Tim. 1:7). Lentsoe la Segerike bakeng sa boitšoaro, sophronismos, le hlaha temaneng ena fela Testamenteng e Ncha 'me le kenyeletsa bokhoni ba ho etsa se tlamehang ho etsa ka teka-tekano, kelello e pholileng e kekeng ea kheloha metheo ea Molimo. Boitšoaro bo ka re thusa “ho sesefa botle ho bobé” (Baheb. 5:14), utloisisa maemo a kapela hau, leha hole joalo, ka bonolo le ka boikokobetso u eme khahlanong le khatello le litšitiso ho sa natsoe litla-morao. Daniele o ile a etsa se nepahetseng a sa natse litau, ho fapana le Samsone, ea ileng a iphelela bophelo ba ho khotsofatsa boena 'me a seka ba le boithibo le liqeto tse pholileng. Josefa o ile a phehella ho etsa se nepahetseng tlung ea Potifaro, papisong le Salemone ea ileng a khumamela melimo e meng. (1 Marena 11:4, 5).

Bala 1 Bakorinthe 9:24–27. Paulosi o reng ka boitšoaro? O re ke'ng e kotsing tabeng ee ea boitšoaro kaofela eo qetellong eleng kotsing?

“lefatše le itloheletse boitlopong ba motho ka mong. Liphoso le litšomo ke matletse-tletse. Mamena a Satane a ho timetsa meea a menahane. Bohle ba tla ba le khalalelo ea 'nete ba tlameha ho ithuta thuto tsa boithibo le boitšoaro. Litakatso le sefutho sa litaba-tabelo li tlameha ho lisoa ke matla a kaholimo a kelello. Boitšoaro bona bo bohlokoa bakeng sa bophelo ba kelello le semoea tse ka re thusang ho utloisisa linnete tse Halalelang tsa Lentsoe la Molimo.”—Ellen G. White, *The Desire of Ages*, leq. 101.

Boitšoaro bo holisoa ke litloaelo tsa khafetsa. Molimo oo bilelitse ho “halalela ho sohle seo u se etsang” (1 Petro. 1:15) le ho “ikoetlisetsa bo Molimo” (1 Tim. 4:7). Lihoku li tlameha ho iteka le ho ikoetlisetsa ho itšoara hantle-ntle joaloka libini kapa limathi tse nang le talenta. Re tlameha hore, ka matla a Molimo, le ka bohlae ba rona, re ithukhubeletse boitšoaro nthong tseo eleng tsona tsa bohlokoa.

Re ka ithuta ho inehela matleng a Molimo joang, eleng eena fela ea ka re fang boitšoaro boo re bo hlokang ho phela ka bona joaloka liqhoku tse tšepahalang tse nang le bo-Molimo lefatšeng le oeleng le bolileng lee?

Ho Ithuta Haholoanyane:

Henoke le Noe ba ile ba itloaetsa ho tsamaea le Molimo nakong eo ba seng bakae ba salang ba tšepahala hara letlaburu la borui le bokhopo, (Genese 5:24, 6:9). Ba ile ba utloisisa le ho amohela mohau oa Molimo, ka hona ea e ba liqhoku tse tšepelang tsa ntho le mesebetsi eo ba e tšepetsoeng. Ho theoha mengoaheng eohle, batho ba tsamaileng le Molimo hantle joalokaha Noe le Henoke ba entse. Mohlala, Daniele le metsoalle ea hae “ba ile ba lemoha hore ele hore ba eme ele baemeli ba tumelo ea ’nete hara litumelo tsa leshano tsa bohetene, ba tlameha ho ba le kelello e pholileng ’me ba be le semelo sa Bokreste se senang sekoli. ’Me Molimo ka boena e n’e le tichere ea bona. Ka ho lula ba rapela, ba ithuta Lentsoe ka hlakolosi, ba lula ba hokahana le ea sa bonoeng, ba ile ba tsamaea le Molimo joaloka Henoke.”—Ellen G. White, *Prophets and Kings*, leq. 486. “Ho tsamaea le Molimo” ho hlalosa seo qhoku e se etsang, ke hore, ho phela le Molimo tsatsi le leng le le leng lefatšeng. Qhoku e bohlale e tla etsa tloaelo ea ho tsamaea le Molimo hara lefatše le bolileng, hobane ke ka khokahano ena fela re ka sireletsehlang khahlanong le ho oela litšileng tsena. Ho ba qhoku e tšepelang ho kenyeletsa tsohle tse malebana le bophelo tse qalang ka ho lumellana le Molimo (Amose 3:3). Re tlameha ho tsamaea le Krete (Bakolose 2:6), re tsamae ka nchafalo ea bophelo (Baro. 6:4), re tsamae ka lerato (Baef. 5:2), re tsamae ka bohlale (Bakolose 4:5), re tsamae ka ’nete (Lipes. 86:11), re tsamae leseling (1 Johanne 1:7), re tsamae ka seriti (Liprov. 19:1), re tsamae ka molao oa Hae (Exoda 16:4), re tsamae ka mesebetsi e metle (Baef. 2:10), hape re tsamae ka tsela e otlohileng (Liprov. 4:26).

Lipotso Tsa Ho Qoqoa:

1. Hlalosa boikokobetso u be u hlalose karolo ea bona bophelong ba qhoku (Mattheu 11:29, Baef. 4:2, Bafili. 2:3, Jakobo 4:10). Ke hobaneng ha boikokobetso bo le bohlokoa ho tsamaeng ha rona le Molimo? (Mikea 6:8).
2. Ka sehlopheng, buang ka tsela tseo re ka thusang bana ba bo rona ba tšoaitsotsoeng ke litloaelo tse mpe, tse kotsi. Le le kereke, le ka etsang ho thusa batho baa?
3. Tse ling tsa litloaelo tse ntle tseo qhoku ea Mokreste e tlamehang ho ba le tsona? Mohlala, sheba, Tite 2:7, Lipes. 119:172, Mattheu 5:8.
4. Ka sehlopheng, buang ka nako le sephiri sa nako. Hobaneng e bonahala e matha hakale? Hape re ka utloisisa joang hore na nako ke eng? Hape, e kholo-kholo, ke hobaneng ho le bohlokoa ho ba liqhoku tsa nakoana e lekaneng motinyane ha re ntse re le lefatšeng lee?